

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2316186596, 2316186609, 2316186617 և 2316186618 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<<12>> 05 2023թ. 7-13 4450

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Հովհաննես Խաչատրյանի թիվ ՄԴ/28070-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Հովհաննես Խաչատրյանը (ծանուցման հասցե՝ Արմավիրի մարզ, գյուղ Գետաշեն, 1-ին փողոց, 1-ին նրբանցք, 1-ին տուն) դիմումով խնդրել է վերանայել վարչական տույժ նշանակելու մասին թիվ 2316186596, 2316186609, 2316186617 և 2316186618 որոշումները՝ նշելով, որ իրավախախտումները կատարել է երեխային հիվանդանոց տեղափոխելիս:

Դիմումի քննարկման արդյունքում պարզվել է, որ վարչական ակտերը ենթակա են բեկանման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի պահանջով, վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական

իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Վիճարկվող որոշումներից պարզ է դառնում, որ 21.03.2023թ. ժամը 01:45-ին՝ Արմավիրի մարզի Մեծամոր քաղաքի, 01:58-ին՝ ՀՀ Մ-5 13.9 կմ Պտղունք գյուղի, ժամը 02:03-ին՝ Թաիրով համայնքի Երևանյան փողոցի և ժամը 02:05-ին՝ Երևան քաղաքի Իսակով պողոտայի հատվածներում <<NISSAN>> մակնիշի B505Y033 հաշվառման համարանիշի ավտոմոբիլի վարորդը գերազանցել է սահմանված արագությունը համապատասխանաբար 23 կմ/ժ-ով, 46 կմ/ժ-ով, 8 կմ/ժ-ով և 8 կմ/ժ-ով:

<<Սուրբ Աստվածամայր>> բժշկական կենտրոն ՓԲԸ-ի տնօրեն՝ Հ.Ջոհրաբյանի 08.05.2023թ. թիվ 4/04-225 գրության և իրավապահ մարմիններին տրված հաղորդագրությունների հաշվառման մատյանի համապատասխան էջերի պատճենների համաձայն՝ 21.03.2023թ-ին ժամը 02:15-ին <<Սուրբ Աստվածամայր>> բժշկական կենտրոն ՓԲԸ է ընդունվել Դավիթ Հովհաննեսի Խաչատրյանը, <<Բերանի անկյան պատռված վերք ծախից>> ախտորոշմամբ:

Տվյալ վիճակում երեխան շտապ բժշկական օգնություն ստանալու անհրաժեշտություն է ունեցել:

Ուսումնասիրությամբ պարզվել է, որ 21.03.2023թ. ժամը 01:45-ին՝ Արմավիրի մարզի Մեծամոր քաղաքի, 01:58-ին՝ ՀՀ Մ-5 13.9 կմ Պտղունք գյուղի, ժամը 02:03-ին՝ Թաիրով համայնքի Երևանյան փողոցի և ժամը 02:05-ին՝ Երևան քաղաքի Իսակով պողոտայի հատվածներում <<NISSAN>> մակնիշի B505Y033 հաշվառման համարանիշի ավտոմոբիլի վարորդը երթևեկել է համապատասխանաբար՝ 93կմ/ժ, 116կմ/ժ, 78կմ/ժ և 78կմ/ժ արագությամբ, հանելով արագաչափ սարքի հնարավոր սխալանքի 10կմ/ժ չափը, բնականվայրերում գերազանցել է երթևեկության սահմանված արագությունը համապատասխանաբար 23 կմ/ժ-ով, 46 կմ/ժ-ով, 8 կմ/ժ-ով և 8 կմ/ժ-ով:

Քաղաքացի Հովհաննես Խաչատրյանը գրավոր հայտնել է, որ հիվանդը եղել է իր տղան՝ Դավիթ Հովհաննեսի Խաչատրյանը, ում <<NISSAN>> մակնիշի B505Y033 հաշվառման համարանիշի ավտոմոբիլով տեղափոխել է <<Սուրբ Աստվածամայր>> բժշկական կենտրոն ՓԲԸ:

Վարչական իրավախախտումների վերաբերյալ ՀՀ օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին,

Եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, վարչական վարույթի ընթացքում հիմնավորվել է դիմումատուի կողմից ճանապարհային երթևեկության կանոնների խախտումները ծայրահեղ անհրաժեշտության վիճակում կատարելու հանգամանքն, ուստի վերը նշված որոշումները ենթակա են բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 4-րդ կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2316186596, 2316186609, 2316186617 և 2316186618 որոշումները բեկանել և վարչական իրավախախտումների վերաբերյալ գործերի վարույթները կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Հովհաննես Խաչատրյանին:

Կատարող Հ.Կարապետյան
Հեռ.՝ 011 544783



Ն.Սարգսյան